

ԿԱՆՈՆԱԿԱՐԳ
ՄՐՑՈՒՅԹԻ ԿԱԶՄԱԿԵՐՊՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Դիմադրության շարժման հայազգի հերոս, բանաստեղծ Միսաք Մանուշյանի՝ Երևանում տեղադրվելիք կիսանդրու լավագույն նախագծի (այսուհետ՝ Նախագիծ) ընտրության նպատակով ստեղծվող հանձնաժողովը (այսուհետ՝ Հանձնաժողով) ուսումնասիրելու է Երևանի քաղաքապետարանի կողմից հայտարարված նախագծերի բաց հրապարակային մրցույթին (այսուհետ՝ Մրցույթ) ներկայացված հայտերը և ընտրելու է լավագույն տարբերակը՝ նպատակ ունենալով ընտրված Նախագծի իրականացման միջոցով հարգանքի տուրք մատուցել հասարակական, քաղաքական և մշակութային մեծանուն գործչին:
2. Հանձնաժողովն իր գործունեության ընթացքում ղեկավարվում է Հայաստանի Հանրապետության օրենսդրությամբ, սույն կանոնակարգով և այլ իրավական ակտերով:

2. ՀԱՆՁՆԱԺՈՂՈՎԻ ՆՊԱՏԱԿՆԵՐԸ

3. Հանձնաժողովի նպատակներն են՝
 - 1) Մրցույթին ներկայացված հայտերի քննարկումը, գնահատումը՝ համաձայն ձևաչափի, որոշման ընդունումը (պահպանելով մասնակիցների գաղտնիությունը), արդյունքների ամփոփումը հանձնաժողովի նիստում:
 - 2) Մրցույթի արդյունքներն ամփոփելով՝ մինչև երեք հայտատուներին մրցանակային տեղերում առաջադրելը և հաղթող հայտի ընտրությունը:
 - 3) Մրցույթի արդյունքների հրապարակումը:

3. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

4. Հանձնաժողովի գործունեությունն իրականացվում է նիստերի միջոցով:
5. Հանձնաժողովը որոշում է նիստերի վայրը, օրը և ժամը, Մրցույթի կանոնակարգին ծանոթանալու վայրը, գնահատման կարգը, Մրցույթի արդյունքների հրապարակման ժամկետը և այլն:
6. Հանձնաժողովի կողմից արդեն ընդունված մրցութային հայտերը ներկայացվում են Մրցույթի կազմակերպչի կողմից նշված էլ-հասցեով (mshakuyt.dramashnorh@yerevan.am):
7. Նիստերն անցկացվում են հանձնաժողովի կողմից հաստատված ծանուցմամբ նախատեսված օրերին, ժամերին և վայրերում:
8. Հանձնաժողովի նիստերն իրավազոր են, եթե դրանց մասնակցում են Հանձնաժողովի անդամների առնվազն կեսից ավելին: Հանձնաժողովը որոշումներն ընդունում է անդամների ձայների պարզ մեծամասնությամբ, ձայների հավասարության դեպքում՝ հանձնաժողովի նախագահի ձայնը վճռորոշ է:

9. Մրցույթում նախատեսված է թվով մինչև երեք դրամաշնորհների տրամադրում:

10. Մրցույթի մրցանակային ֆոնդը կազմում է 3 (երեք) միլիոն ՀՀ դրամ, որից մեկուկես միլիոնը կհատկացվի հաղթողին, մեկ միլիոնը՝ երկրորդ, իսկ հինգ հարյուր հազարը՝ երրորդ տեղը զբաղեցրած հայտատուին:

11. Մրցույթին ներկայացված աշխատանքների քննարկումը, գնահատումը, որոշման ընդունումը, ամփոփումը կատարվում է մրցութային հանձնաժողովի կողմից նախատեսված օրը, ժամին և վայրում:

12. Հանձնաժողովի նիստերն արձանագրվում են: Արձանագրությունը ստորագրվում է Հանձնաժողովի նախագահի և նիստին մասնակցած Հանձնաժողովի անդամների կողմից:

13. Հանձնաժողովի անդամները գնահատում են քննարկվող հայտերը՝ լրացնելով գնահատման թերթիկը (հավելված 4): Հանձնաժողովի յուրաքանչյուր անդամ կարող է ընտրել միայն մեկ հայտ:

14. Հանձնաժողովն ընդունում է որոշում՝ մինչև երեք հայտ մրցանակային տեղերում առաջադրելու, հաղթող Նախագծի ընտրության և հրապարակում Մրցույթի արդյունքները:

15. Մրցույթում դրամական պարգևի արժանացած հայտատուների պարգևները (մրցույթի չձեռարկման պարագայում) փոխանցվում են մասնակիցների կողմից նախապես տրամադրված ֆիզիկական կամ իրավաբանական անձի բանկային հաշվին՝ Մրցույթի արդյունքները հրապարակելուց հետո 30 աշխատանքային օրվա ընթացքում:

16. Հաղթող ճանաչված մասնակիցը պարտավոր է իր կողմից ներկայացրած կատարման ժամանակացույցին համապատասխան ներկայացնել հաշվետվություն՝ ծրագրի ավարտից հետո 20 աշխատանքային օրվա ընթացքում:

4. ՀԱՆՁՆԱԺՈՂՈՎԻ ՆԱԽԱԳԱՀԸ

17. Հանձնաժողովի նախագահը՝

- 1) վարում է Հանձնաժողովի նիստերը,
- 2) ապահովում է Հանձնաժողովի բնականոն գործունեությունը,
- 3) համակարգում է Հանձնաժողովի աշխատանքը:

5. ՀԱՆՁՆԱԺՈՂՈՎԻ ԱՆԴԱՄԸ

18. Հանձնաժողովի անդամը՝

- 1) մասնակցում է Հանձնաժողովի նիստին,
- 2) լրացնում է գնահատման թերթիկը,
- 3) ստորագրում է Հանձնաժողովի նիստի արձանագրությունը,
- 4) առաջնորդվում է Հանձնաժողովի նախագահի հրահանգներով:

6. ՀԱՆՁՆԱԺՈՂՈՎԻ ՔԱՐՏՈՒՂԱՐԸ

19. Հանձնաժողովի քարտուղարը՝

- 1) պատասխանատու է Հանձնաժողովին տրամադրվելիք նյութերի նախապատրաստման համար,

- 2) ապահովում է մրցութային հայտերի գնահատման թերթիկների պատրաստումը,
- 3) մրցութային հայտերը տրամադրում է Հանձնաժողովի անդամներին,
- 4) կազմում է Հանձնաժողովի նիստի արձանագրությունը,
- 5) ապահովում է Հանձնաժողովի տնօրինության տակ գտնվող փաստաթղթերի պահպանումը և սահմանված կարգով արխիվացման նպատակով այդ փաստաթղթերի հանձնումը Երևանի քաղաքապետարանի աշխատակազմի համապատասխան ստորաբաժանմանը,
- 6) իրականացնում է Մրցույթի վերաբերյալ հրապարակային ծանուցումը:

7. ՄՐՑՈՒՅԹԻ ՄԱՍԻՆ ՀՐԱՊԱՐԱԿԱՅԻՆ ԾԱՆՈՒՑՈՒՄԸ

20. Հանձնաժողովի քարտուղարը սույն որոշման ընդունումից երեք աշխատանքային օրվա ընթացքում www.yerevan.am կայքում և այլ միջոցներով իրականացնում է Մրցույթի վերաբերյալ հրապարակային ծանուցում (հավելված 3), հետևյալ բովանդակությամբ.

«Երևանի քաղաքապետարանը հայտարարում է Միսաք Մանուշյանի կիսանդրու իրականացման նպատակով նախագծերի ներկայացման բաց մրցույթ»:

8. ՄԱՍՆԱԿՑՈՒԹՅԱՆ ՊԱՅՄԱՆՆԵՐԸ

21. Մրցույթին ներկայացված հայտերի քննարկումը, գնահատումը, արդյունքների ամփոփումը և որոշման ընդունումը կատարվում է Մրցույթի կազմակերպման հանձնաժողովի կանոնակարգի համաձայն:

22. Մրցույթին կարող են մասնակցել ֆիզիկական կամ իրավաբանական անձինք:

23. Մրցութային փաթեթներն ընդունվում են Մրցույթի հրապարակման օրվանից 120-օրյա ժամկետում:

24. Մրցութային փաթեթները ներկայացվում են մրցութային հանձնաժողովին:

25. Մրցույթը բաց է և անցկացվում է մեկ փուլով:

26. Հայտերի ներկայացման վերջնաժամկետն է՝ ոչ ուշ քան Մրցույթի հրապարակային ծանուցումից 120 աշխատանքային օր հետո, ժամը՝ 23:59 mshakuyt.dramashnorh@yerevan.am էլ-հասցեով:

27. Մրցույթում հաղթող ճանաչված մասնակիցները ծրագրերն իրականացնելիս սերտորեն համագործակցելու են Երևանի քաղաքապետարանի աշխատակազմի մշակույթի և տուրիզմի վարչության հետ և վերջինին իրավունք է վերապահվում հսկողություն իրականացնել ծրագրի անցկացման ամբողջ ընթացքում:

9. ՓԱԹԵԹԻՆ ՆԵՐԿԱՅԱՑՎՈՂ ՊԱՀԱՆՋՆԵՐԸ՝

28. Հայտերն ընդունվում են էլեկտրոնային տարբերակով:

29. Հայտի կազմման լեզուն հայերենն է:

30. Նամակի վերնագիր բաժնում պետք է նշվի՝ ՄԻՍԱԲ ՄԱՆՈՒՇՅԱՆ, իսկ հայտում՝ մասնակցի անվանումը (անունը), հեռախոսահամարը, էլ.փոստի հասցեն: Իրավաբանական անձի պարագայում՝ հարկ վճարողի հաշվառման համարը:

31. Հայտը պետք է ներառի՝

- 1) Նախագծի ամփոփ նկարագիրը,
 - 2) Նախագծի եռադիրք լուսանկարը,
 - 3) Դրամաշնորհի հայտով պահանջվող այլ տեղեկություններ (հավելված 3):
32. Մասնակիցը չի կարող նույն Մրցույթին ներկայացնել մեկից ավելի հայտ:
33. Սահմանված կարգի պահանջներին ոչ համապատասխան ներկայացված հայտերը, ինչպես նաև հայտեր ներկայացնելու ժամկետը լրանալուց հետո ուղարկված հայտերը մերժվում են: Հայտերն ուսումնասիրվում են վերջնաժամկետից հետո, ուստի՝ մասնակիցներին վերջնաժամկետից հետո է ծանուցվում նախագծերի ընդունված լինել/չլինելու մասին: Ծանուցումներն ուղարկվում են վերջնաժամկետին հաջորդող 3 աշխատանքային օրվա ընթացքում:
34. Մասնակիցը մինչ հայտը ներկայացնելու վերջնական ժամկետի ավարտն իրավունք ունի փոխելու կամ հետ վերցնելու իր հայտը:
35. Հարցերի դեպքում կարելի է կապ հաստատել Երևանի քաղաքապետարանի աշխատակազմի մշակույթի և տուրիզմի վարչության հետ՝ զանգահարելով +374 11 514 197 հեռախոսահամարով:
36. Մրցույթի մրցանակային ֆոնդը կազմում է (երեք) միլիոն ՀՀ դրամ:
37. Մրցույթի արդյունքում հաղթող ճանաչված հայտատուի/հայտատուների հետ սահմանված կարգով կկնքվի դրամաշնորհի պայմանագիր:
38. Հանձնաժողովի որոշմամբ մրցույթը կարող է չեղարկվել՝ նախագծերի ոչ նպատակահարմարության, մասնավորապես՝ մրցույթի պայմաններին չհամապատասխանող աշխատանքների կամ այլ հիմնավորման դեպքում:

ԵՐԵՎԱՆԻ ՔԱՂԱՔԱՊԵՏ՝



ՏԻԳՐԱՆ ԱՎԻՆՅԱՆ